



## JUDICIAL SYSTEM MONITORING PROGRAMME

### PROGRAMA DE MONITORIZAÇÃO DO SISTEMA JUDICIAL

## *Komunikadu Imprensa*

Periodu : Janeiru 2011

Edisaun : 23 Janeiru 2011

### **Laiha kordenasaun diak entre Ministériu Públiku no Tribunál Distrital Baucau implika insatisfasaun no deskontente ba parte intresadu sira**

Iha loron 17 Janeiru 2012 tuir orariu Tribunál Distrital Baucau marka ona iha agenda atu halo julgamentu ba kazu krime rua. Kazu rua ne'e nu'udar krime pekulatu no abuzu poder ne'ebé kazu resjistu ho número prosesu: Nú. 94/Crm.C/2011/TDB no kazu ofensa ba integridade física grave ho número prosesu Nú. 231/Crm.C/2009/TDB.

Mesmu nune'e, infelizmente kazu rua ne'e la konsege halo julgamentu tanbá Ministériu Públiku la marka sira nia presenza iha tribunál. Tuir informasaun ne'ebé JSMP hetan husi ofisiál Ministériu Públiku nian katak Prokuradór sira tuir hela treinamentu durante loron tolu iha Dili, hahú husi loron 16 to'o 18 fulan Janeiru 2012.

Diretór ezekutivu JSMP, Luis de Oliveira Sampaio haktuir *katak mesmu JSMP sempre kumpriende katak dala barak ita sempre infrenta impedimentu oi-oin atu kumpri orariu ne'ebé defini tiha ona, maibé JSMP ejije ba autoridade judisiáriu sira atu hametin kordenasaun diak entre instituisaun importante hirak ne'e hodi la bele prejudika intrese ba parte intresadu sira.*

Tuir artigu 48 Kódigu Prosesu Penál (KPP) defini katak Ministériu Públiku mak nu'udar titulár ba asaun penál, no iha responsabilidade atu kopera ho tribunál hodi hetan verdade no realiza direitu, no tuir kritériu eskrita legalidade no objetividade iha nia intervensaun prosesuál hotu-hotu.

Bázeia ba artigu: 260 Kódigu Prosesu Penál Timór Léste (KPP) alinea 1 defini Ministériu Públiku no defensor nia falta la serve hanesan baze atu adia audiénsia julgamentu. Liu tan iha alinea 2 haktuir katak iha Ministériu Públiku nia fatin tenki hatama Ministériu Públiku nia

substitute legal; no iha defensor nia fatin tenke hatama pesoa idónea, ho preferénsia ba advogadu lisenziadu iha direitu. Sé lae, iha nulidade insanavél.

JSMP observa katak mesmu lei hatuur obrigasaun ba instituisaun judisiáriu atu halo kordenasaun no maneija subtituisaun atu la bele prejudika prosesu julgamentu, maibé realidade Ministériu Públiku la konsegue maneija nia an atu kumpri provizaun 260 KPP nia rekerimentu. Pior liu tan Minitériu Públiku la halo komunikasaun efetivu ho tribunál atu nune'e, la prejudika parte intresadu sira ne'ebé partensia ba prosesu ne'e. JSMP observa katak parte interesadu sira sente lamenta teb-tebes tanbá sira halo esforsu atu to'o mai tribunál hodi kumpri notifikasaun tribunál nian, maibé, infelizmente wainhira sira to'o mai iha tribunál la iha julgamentu tuir orariu ne'ebé defini tiha ona.

Tuir informasaun ne'ebé JSMP rekolla informalmente husi oficiál justisa husi tribunál refere katak tribunál sei hato'ó problema ne'e ba iha prokuradór da República Dra. Ana Pessoa atu hare konabá kestaun refere.

Relasiona ho realidade refere, parte interesante sira ne'ebé mai hein prosesu julgamentu aprenat sira nia sentimentu lamentasaun no tristeza, tanbá sira lakon osan no tempu mai hein prosesu justisa ba sira nia kazu maibé kazu sira nia ne'e adia ba bebeik.

Refere ba realidade hirak ne'e, JSMP ejije ba instituisaun judisiáriu hotu, mantein komunikasaun diak entre Ministériu Públiku no tribunál nomós advogadu ka defensor sira, atu efeita impedimentu ne'ebé la nesesariu no liu-liu atu la prejudika parte intresadu sira nia tempu no rekursu finansieru ne'ebé sira gasta ona atu kumpri notifikasaun tribunál nian. JSMP hein katak esperiensia ne'e bele sai haensan lisaun aprendizajem importante ida ba iha futuru.

Atu hatene informasaun Kle'an favor kontaktu direktamente:

Dr. Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

Landline: 3323883/7259795